

Feihyiz Guekgya Gaep:

Cietcaemzgvej Bouxcuengh

□ Veiz Luzdungh Bungz Vanz daengj/raiz Ouh Caijfangh/hoiz



▲ Diemjieng saxcaeq geizduzgoep.

▲ Ra duzgoep.

◀ Giz vienhciengz guh ciet vwnzva ndawbiengz duzgoep.



▲ Ra ndaej duzgoep le, gyoengqvunz angqvauvau.



▲ Ram duzgoep youz mbanj, moix daengz ranz ndeu cungj aeu daengx yaep he, doeg sei hohfuk.



▲ Cang duzgoep haeufjaex.



▲ Soengq duzgoep roengznamh.

nde bae. Mbanj ndeu dandog guh hix ndaej, geij aen mbanj doxgap guh hix baenz.

Mboengq gvaq ciet, gyoengqvunz daenj hwnj buhvaq gyaundeiz minz-cuz bonjfaenh, aeu caeq duzgoep guhdaez, roq laz hoenx gyong, heuh beixnuengx seiqfueng daeuj, angq comz giz ndeu, eu fwen goksasa. Vueddoengh cietcaemzgvej daihgaiq faen baenz ra duzgoep, youz mbanj ciengq duzgoep, caeq duzgoep, haem duzgoep, niemhgvaq daengj.

Ra duzgoep. Ndwencieng coit gwn ngaizcaeux gvaq le, vunzhung lwgnyez baenz gyoengq baenz bang bae gyauejreih gyangnaz ra duzgoep. Ciuq laehgvenq aeu ra song duz, duz goeng ndeu duz meh ndeu. Ra ndaej le gyau hawj boux gaemguen vueddoengh cang haeuj ndaw mboengqcuk bae, liuxle goemq ndei cug ndei, cai yungh ceijraiz nem gvaq baihgrog bae.

Youz mbanj ciengq duzgoep. Ra ndaej duzgoep le ngoenz daihngaih, gyoengq bouxcoz couh ram duzgoep bae cunz moix ranz ndaw mbanj lo, youz bouxsae doeg sawhohfuk, maq-muengh ranzcawj bi moq yiengh-yiengh hab hoz, loekcuk maj maengh, haeuxgwn rim ranz.

Caeq duzgoep. Ndwencieng cib-haj, youq dieggaeuq mohduzgoep seiqhenz baek hwnj gij ceijfan haj

sack sang haj roek mij haenx, liuxle baij hwnj huqcaeq, hoenx nyenz hoenx gyongnaeng, saxcaeq duzgoep.

Haem duzgoep. Ngoenz haem duzgoep gak dieg mbouj doengz, hoeng cungj dwg youq ndwencieng ngeihhaj daengz ndwenngaih cocaet mboengq neix. Gij yizsi haem duzgoep hix mbouj doengz, gveihmoz miz hung miz iq, Bahcouz Yangh Mbanjbyayinh Dunz guh gij yizsi ceiq hoenghhwd, moix baez cungj miz baenz cien vunz camgya, vueddoengh neiyunz hix gig fungfouq. Ngoenz haem duzgoep, gwn ngaizcaeux gvaq le, caj ndaw mbanj yiengj gvaq sam baez "bauqdeih", gyoengq bouxcoz couh gwed hwnj seiq aen nyenz bae gwnz bosang henz mbanj hoenx, daengz banhaemh cij maranz. Gyanghaemh daengx mbanj bouxsai mehmbwk bouxlaux bouxcoz cungj comz youq laj ceijfan, guh yizsi haem duzgoep.

Niemhgvaq. Haem duzgoep gax-gonq, dawz seihaiz(goet) duzgoep bi' gvaq ok gonq, yawj gij sack de, ciuq vunz naeuz ndok henj couhwdg naeuz bineix rumz swnh fwn ndei, ndaej haeux rim ranz; ndok hau couhwdg mbwn rengx, ndaem haeux mbouj baenz, hoeng ndaem faiq couh fungsou; ndokndaem dwg gomiuz, vunz caeuq doihduz cungj miz bingh miz cai. Neix liuxle, youz bouxgeq ndeu doeg sawcaeq, haem duzgoep moq.

Linghvaih, vueddoengh lij miz eu fwen, bungq gyaeqnyumxsack, dwkgyangq, minzsug biujyienj, guh' angq ndawbiengz, hoenx nyenz daengj. Mbanj dieg lij miz daenj mauhnggeq duzgoep yienj goengsaenz, yahsaenz, ciengginh duzgoep caeuq doenghboux saenzlingz wnq, faenbied diuq yienj gak cungj foux.



▲ Haem duzgoep.